

## Roho Atamtukuza Yesu Ndani Yangu

Yeye atanitukuza mimi, kwa kuwa atatwaa katika yaliyo yangu na kuwapasha habari—Yohana 16:14.

Yesu anatangaza kazi ya juu zaidi ya Roho Mtakatifu katika maneno haya. Roho humtukuza Kristo kwa kumfanya kuwa mlengwa wa heshima kuu, na Mwokozi anakuwa furaha, shangwe, ya wakala wa kibinadamu ambaye moyoni mwake kunafanyika mabadiliko haya....

Toba kwa Mungu na imani katika Yesu Kristo ni matunda ya nguvu ifanyayo upya ya neema ya Roho. Toba inawakilisha mchakato ambao nafsi hutafuta kuakisi sura ya Kristo kwa ulimwengu.

Yesu anawapa pumzi ya Roho Wake mwenyewe, uzima wa uzima Wake. Roho Mtakatifu anatumia nguvu Zake za juu ili kufanya kazi moyoni na akilini. Neema ya Mungu inaongezeka na kuzidisha uwezo wao na kila ukamilifu wa asili ya Mungu unakuja kuwasaidia katika kazi ya kuongoa roho. Kwa njia ya kushirikiana na Yesu wanakamilika ndani Yake na katika udhaifu wao wa kibinadamu wanawezeshwa kufanya kazi ya Mungu.

Inapaswa kuwa kazi ya maisha ya Mkristo kumvaa Kristo na kujileta kwenye mfano mkamilifu zaidi wa Kristo. Wana na binti za Mungu wanapaswa kuendelea kufanana na Kristo, kielelezo chetu. Kila siku wanapaswa kuutazama utukufu Wake na kuutafakari ubora Wake usio na kifani.

Laiti kama ubatizo wa Roho Mtakatifu ungekushukia, ili uweze kujazwa na Roho wa Mungu! Kisha siku kwa siku utafanana na Yesu zaidi na zaidi na katika kila tendo maishani mwako utajiuliza swali hili, “je, litamletea utukufu Bwana wangu? Kwa uendelezaji wa subira katika kutenda mema ungeomba kwa ajili ya utukufu na heshima na kisha ungepokea zawadi ya uzima wa milele.